

Segun partido MEP

Bestuurscollege di MEP a percura pa Aruba drenta un Status Aparte financieramente positivo y solido entrante 1986

Donny Rasmijn no ta na altura di e 470 miyon extra cu MEP a percura pe ?

ORANJESTAD – Ta parce cu e marioneta di AVP Donny Rasmijn no tabata na Aruba na 1985 - tempo cu e refineria Lago a dicidi pa sera su portanan - si no e no por a pone asina tanto nonsens riba papel y scupi su gal berde contra partido MEP. Donny Rasmijn tambe ta un di e marionetanan cu deliberadamente kier malinforma e pueblo bisando cu ta e 'maneho dinamico' di su partido AVP a salba pais Aruba na 1986, asina den su comunicado di prensa partido MEP ta indica.

Ta pesey ta bon pa partido MEP bolbe duna un splicacion den ki estado financiero nos partido a laga Aruba e tempo ey. Sin e condicionnan cu MEP siguiementemente ta trece padilanti, pais Aruba no por a drenta den su Status Aparte exitosamente:

1. Instrumentonan economico. Un gobierno gelapi consistiendo di AVP, PPA, ADN y PDA a asumi poder na entrada di Status Aparte. Hecho ta cu realisacion di e status nobo aki tabata determinante pa Aruba haya tur e instrumentonan economico, fiscal y legal den su propio man sin cu nos tin cu depende mas di un gobierno Central, un gobierno di 12-8 cu ta producto directo di e traicion di partido AVP na 1948.

2. Plan Sasaki. Na entrada di

MORET & LIMPERG			
1. Financiële positie van het land Aruba per 1 januari 1986.			
Onderstaand geven wij U een zeer globaal inzicht in de financiële positie, inhoudende het saldo van de liquide middelen vermeerderd met het saldo van de vorderingen en verminderd met de nog te betalen schulden van het land Aruba per 1 januari 1986:			
Liquide middelen			f. 32.000.000,-
Vorderingen	f. 405.000.000,-		
Af: Dubieuze debiteuren	- 70.000.000,-		
			- 335.000.000,-
			f. 367.000.000,-
Schulden			f. 87.000.000,-
Financiële positie			f. 280.000.000,-
Hierbij kan worden opgemerkt dat nagenoeg alle vorderingen en schulden als direct vervalbaar kunnen worden beschouwd.			

Status Aparte partido AVP a haya tambe un infraestructura turistico solido, moderno y cla pa desaroya cual ta e famoso Plan Sasaki den e area di Eagle Beach y Palm Beach cu a wordo prepara pa partido MEP y e diputado di e tempo ey sr. Nelson Oduber.

3. Posicion financiero solido. Na 1986 Gabinete Eman 1 a laga traha un rapport mediante oficina di accountant Moret & Limperg pa investiga na kico e supuesto malversacion di 300 miyon florin a bay y dia 28 di febr. 1986 e rapport a bin cla. E rapport aki ta indica cu e Bestuurscollege di MEP a laga atras lo siguiente: CASH den caha di gobierno (Liquide middelen) 32 miyon Florin, pa COBRA for di esnan cu debe

gobierno (Vorderingen) 335 miyon Florin y DEBENAN (Schulden) 87 miyon Florin. Pues e POSICION FINANCIERO (Financiële positie) di pais Aruba tabata 280 miyon Florin POSITIVO dia promer di jan. 1986!

4. Impuesto di Solidaridad. Partido AVP a haya na entrada di Status Aparte 100 miyon Florin di ayudo presupuestario ('begrotingshulp') for di Hulanda y cual ayudo partido MEP - mediante condicionnan di Hulanda y IMF - a percura pe. Hecho ta cu un condicion clave pa Aruba haya e 100 miyon Florin aki ta cu mester a introduci e 8.2 % di impuesto di solidaridad y cual impuesto partido AVP a priminti pueblo den campaña pa eleccion di

1985 cu e lo kita esaki asina cu e drenta gobierno. Tambe e empleadonan publico mester a entrega 7 ¾ - 8 ½ % di nan salario.

5. Impuesto Nobo. E hecho cu partido AVP no a kita e impuesto di solidaridad di 8.2 % inmediatamente ora cu el a drenta gobierno, pero a keda djodjo cu esaki durante 2 año largo te ora cu esaki a termina legalmente y tambe e medida di un impuesto di solidaridad NOBO di 4.1 % cu AVP a pone riba lomba di pueblo na 1988, a haci cu durante e tres añanan aki e gobierno di AVP a haya mas cu 90 miyon Florin extra na impuesto den caha p'asina nan por a sigui distribi y comete bagamunderia riba custia di pueblo.

Pues si haci un calculacion chikito, un suma substancial di 470 miyon Florin extra e gobierno di AVP a haya na entrada di Status Aparte y cual suma pa gran parti ta producto di ahustacionnan firme y decidido cu partido MEP a tuma sin importa cu esakinan lo a pone e partido aki bay atras den voto y cu 5 asiento menos den e eleccion di 1985.

Lo ta bon pa Donny Rasmijn splica pueblo kico su partido AVP y Gabinete Eman 1 lo a haci si nan no a ricibi e 470 miyon florin extra cu ta un suma substancial cu Bestuurscollege di MEP a percura y sangra pe.

After all, e supuesto rescate economico cu Donny Rasmijn ta papia di dje mediante construccion di hotelnan a resulta den un debacle di tres proyecto hotelero corrupto, esta Beta, Plantation Bay y Eagle Beach.

Partido MEP no kier papia mes di e plan macabro di partido AVP pa desmantela e refineria Lago na 1988 y bende e restonan como hero bie.

Ta danki na partido MEP y Gabinete Oduber I cu a para e desmantelacion aki y a percura pa e reapertura di e refineria cu awe Donny Rasmijn tin pan riba mesa, gozando di beneficiacion cu e refineria a trece cu ne pa henter e comunidad ('family and friends') Arubano.